



სსიპ საქართველოს მუნიციპალური განვითარების ფონდი

ადიგენის მუნიციპალიტეტის სოფელ აბასთუმანში ავტოსადგურისა და ღია ავტოსადგომის მშენებლობის მიზნით ტექნიკურ-ეკონომიკური დასაბუთების მომზადების, დეტალური საპროექტო-სახარჯთაღრიცხვო დოკუმენტაციის შედგენის და ამავე საპროექტო დოკუმენტაციის შესაბამისად, სამშენებლო სამუშაოებზე საავტორო ზედამხედველობის გაწევის მომსახურების სახელმწიფო შესყიდვის ელექტრონული ტენდერის სატენდერო კომისიის სხდომის
ოქმი N1

სატენდერო კომისიის სხდომა ჩატარდა ქალაქ თბილისში, საკონფერენციო კავშირის მეშვეობით

სატენდერო კომისიის შემადგენლობა:

გიორგი შენგელია - სატენდერო კომისიის თავჯდომარე, სსიპ საქართველოს მუნიციპალური განვითარების ფონდის აღმასრულებელი დირექტორი.

დავით ტაბიძე - სატენდერო კომისიის წევრი, სსიპ საქართველოს მუნიციპალური განვითარების ფონდის აღმასრულებელი დირექტორის პირველი მოადგილე, პროგრამის მენეჯერი.

ლევან შარვაძე - სატენდერო კომისიის წევრი, სსიპ საქართველოს მუნიციპალური განვითარების ფონდის აღმასრულებელი დირექტორის მოადგილე, ფინანსური დეპარტამენტის უფროსი.

ნუცა დათუაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის აღმასრულებელი დირექტორის მოადგილე, პროგრამის მენეჯერი.

გიორგი კარტოზია - სატენდერო კომისიის წევრი, სსიპ საქართველოს მუნიციპალური განვითარების ფონდის შეფასებისა და დაგეგმვის დეპარტამენტის უფროსი.

პაატა იაკობაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის პროექტების შეფასების სამსახურის უფროსი.

თარზან ლომთათიძე - სატენდერო კომისიის წევრი, სსიპ საქართველოს მუნიციპალური განვითარების ფონდის მშენებლობის ზედამხედველობის დეპარტამენტის უფროსი.

ნიკოლოზ დოლიძე - სატენდერო კომისიის წევრი, სსიპ საქართველოს მუნიციპალური განვითარების ფონდის იურიდიული დეპარტამენტის უფროსი.

გრიგოლ ფერაძე - სატენდერო კომისიის წევრი, სსიპ საქართველოს მუნიციპალური განვითარების ფონდის ხარისხის კონტროლის დეპარტამენტის უფროსი.

ზურაბ კოტორაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის ადმინისტრაციული დეპარტამენტის უფროსი.

ბექა თორია - სატენდერო კომისიის წევრი, სსიპ საქართველოს მუნიციპალური განვითარების ფონდის პროგრამის მენეჯერი.

აკაკი დევიძე - სატენდერო კომისიის წევრი, სსიპ საქართველოს მუნიციპალური განვითარების ფონდის პროგრამის მენეჯერი.

გიორგი ბარიშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის ფინანსური დეპარტამენტის ფინანსური აღრიცხვის მენეჯერი.

ირაკლი ფარესიშვილი - სატენდერო კომისიის წევრი, სატენდერო კომისიის მდივანი, სსიპ საქართველოს მუნიციპალური განვითარების ფონდის შესყიდვების დეპარტამენტის უფროსი.

სატენდერო კომისიის აპარატის შემადგენლობა:

მარიამ ბოჭორიშვილი - სატენდერო კომისიის აპარატის წევრი, სსიპ საქართველოს მუნიციპალური განვითარების ფონდის შესყიდვების დეპარტამენტის სპეციალისტი.

დღის წესრიგი:

1. ადიგენის მუნიციპალიტეტის სოფელ აბასთუმანში ავტოსადგურისა და ღია ავტოსადგომის მშენებლობის მიზნით ტექნიკურ-ეკონომიკური დასაბუთების მომზადების, დეტალური საპროექტო-სახარჯთაღრიცხვო დოკუმენტაციის შედგენის და ამავე საპროექტო დოკუმენტაციის შესაბამისად,

სამშენებლო სამუშაოებზე საავტორო ზედამხედველობის გაწევის მომსახურების სახელმწიფო შესყიდვის საშუალების განხილვა.

2. ელექტრონული ტენდერის ჩატარების შესახებ განცხადების ტექსტისა და სატენდერო დოკუმენტაციის დამტკიცება.

საკითხი I

მოისმინეს სატენდერო კომისიის წევრების გამოსვლა:

1. საქართველოს მთავრობის 2020 წლის 18 ივნისის N1000 განკარგულების თანახმად, სსიპ საქართველოს მუნიციპალური განვითარების ფონდს დაევალა ადიგენის მუნიციპალიტეტის სოფელ აბასთუმანში ავტოსადგურისა და ღია ავტოსადგომის მშენებლობის მიზნით ტექნიკურ-ეკონომიკური დასაბუთების მომზადებისა და დეტალური საპროექტო-სახარჯთაღრიცხვო დოკუმენტაციის შედგენის მომსახურების შესყიდვის განხორციელება.

2. სსიპ საქართველოს მუნიციპალური განვითარების ფონდის პროექტების შეფასების სამსახურის მიერ მომზადდა ადიგენის მუნიციპალიტეტის სოფელ აბასთუმანში ავტოსადგურისა და ღია ავტოსადგომის მშენებლობის მიზნით ტექნიკურ-ეკონომიკური დასაბუთების მომზადებისა და პროექტირების ტექნიკური დავალება.

3. შესყიდვის სავარაუდო ღირებულების განსაზღვრისათვის გამოყენებულია ჩატარებული ბაზრის კვლევის შედეგად მიღებული ინფორმაციის ანალიზი, აგრეთვე გათვალისწინებულია ტექნიკურ-ეკონომიკური დასაბუთებისა და საპროექტო დოკუმენტაციის სრულყოფილად მომზადებისათვის აუცილებელი კვლევებისა და პროექტის ექსპერტიზის ხარჯები. ვინაიდან, ბაზრის კვლევის შედეგად მიღებული ხუთი შემოთავაზებიდან, სამი - 1 000 000 (ერთი მილიონი) ლარზე მეტი ღირებულებისაა, ხოლო ორი - 200 000 (ორასი ათასი) ლარიდან 400 000 (ოთხასი ათასი) ლარამდე ღირებულებისაა საშუალოდ, სატენდერო კომისია მართებულად მიიჩნევს, ტექნიკურ-ეკონომიკური დასაბუთების მომზადებისა და დეტალური საპროექტო-სახარჯთაღრიცხვო დოკუმენტაციის შესყიდვის სავარაუდო ღირებულებად განისაზღვროს 400 000 (ოთხასი ათასი) ლარი + 50 000 (ორმოცდაათი ათასი) ლარი - აუცილებელი კვლევების ჩატარებისა და პროექტის ექსპერტიზის ხარჯები.

კომისიის წევრებმა მსჯელობის საფუძველზე აღნიშნეს:

1. მისაღებად ჩაითვალოს სავარაუდო ღირებულების გაანგარიშება და შესყიდვის ობიექტის სავარაუდო ღირებულებად განისაზღვროს 450,000.00 ლარი, დღგ-ს ჩათვლით.

2. მიზანშეწონილია ელექტრონული ტენდერი გამოცხადდეს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-3 მუხლის პირველი პუნქტის „ა“ ქვეპუნქტით გათვალისწინებული მეთოდით.

3. შესყიდვის ობიექტის სავარაუდო ღირებულების გათვალისწინებით, მიზანშეწონილია შესყიდვის პროცედურა ჩატარდეს ელექტრონული ტენდერის საშუალებით, „სახელმწიფო შესყიდვების შესახებ“ საქართველოს კანონის 15¹ მუხლის მე-3 პუნქტის „ბ“ ქვეპუნქტით განსაზღვრული ვადებით და ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად განისაზღვროს არანაკლებ 10 (ათი) კალენდარული დღე.

დაადგინეს:

1. შესყიდვის ობიექტის სავარაუდო ღირებულებად განისაზღვროს 450,000.00 ლარი, დღგ-ს ჩათვლით.

2. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-3 მუხლის მე-2 პუნქტის თანახმად, მომსახურების სახელმწიფო შესყიდვა განხორციელდეს ელექტრონული ტენდერის საშუალებით, სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-3 მუხლის პირველი პუნქტის „ა“ ქვეპუნქტით გათვალისწინებული SPA აბრევიატურით.

საკითხი II

მოისმინეს:

სატენდერო კომისიის აპარატის წევრის, მარიამ ბოჭორიშვილის ინფორმაცია: ელექტრონული ტენდერის პირობების, კერძოდ ტენდერის ჩატარების შესახებ განცხადების ტექსტისა და სატენდერო დოკუმენტაციის პროექტის შესახებ. მარიამ ბოჭორიშვილმა სატენდერო კომისიას წარუდგინა სახელმწიფო შესყიდვების ერთიან ელექტრონულ სისტემაში შევსებული სატენდერო პირობების პროექტი (თან ერთვის წინამდებარე ოქმს).

სატენდერო კომისიის წევრებმა განხილვის შედეგად აღნიშნეს:

მისაღებია ტენდერის ჩატარების შესახებ განცხადებითა და სატენდერო დოკუმენტაციით გათვალისწინებული პირობები და ძირითადი და მნიშვნელოვანი სატენდერო პირობების დასაბუთების მიზნით აღსანიშნავია:

1. შესყიდვის ობიექტის სავარაუდო ღირებულების გათვალისწინებით, „სახელმწიფო შესყიდვების შესახებ“ კანონის 15¹ მუხლის მე-3 პუნქტის „ბ“ ქვეპუნქტისა და 24¹ მუხლის პირველი პუნქტის თანახმად, ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად განსაზღვრულია არანაკლებ 10 (ათი) კალენდარული დღე.

2. ტექნიკური დავალების თანახმად უნდა განხორციელდეს: CPV 71220000 - არქიტექტურულ დაპროექტებასთან დაკავშირებული მომსახურებები, CPV 71240000 - არქიტექტურული, საინჟინრო და დაგეგმარების მომსახურებები, CPV 71241000 - განხორციელებადობის კვლევა, საკონსულტაციო მომსახურება, ანალიზი, CPV 71242000 - პროექტისა და გეგმის მომზადება, ხარჯების გამოთვლა.

3. საქართველოს მთავრობის 2020 წლის 18 ივნისის N1000 განკარგულების „ბ“ პუნქტის თანახმად განსაზღვრულია შესყიდვის ობიექტის დაფინანსება.

4. შესყიდვის ობიექტის სავარაუდო ღირებულება დაანგარიშებულია დამატებითი ღირებულების გადასახადის გათვალისწინებით, შესაბამისად, წინადადების წარმოდგენა უნდა განხორციელდეს აღნიშნული გადასახადის (დღგ) ჩათვლით, ხოლო წინადადების ფასის კლების ბიჯის ოდენობა განსაზღვრულია შესყიდვის ობიექტის სავარაუდო ღირებულების 1%-ის ოდენობით.

5. შესყიდვის ობიექტის თავისებურების გათვალისწინებით, სატენდერო დოკუმენტაციით არ მოითხოვება ინფორმაცია საგარანტიო ვადების, შესყიდვის ობიექტის წარმოშობის ქვეყნის, მწარმოებლის, მოდელის, პრეტენდენტის მატერიალურ-ტექნიკური ბაზის, პრეტენდენტის ფინანსური შესაძლებლობების შესახებ. მომსახურების გაწევის პირობები მოცემულია სატენდერო დოკუმენტაციის დანართ N1-ში (ტექნიკური დავალება). გამოცდილების შეფასების თავლსაზრისით, სატენდერო დოკუმენტაციით მოთხოვნილია უშუალოდ პრეტენდენტის გამოცდილება, შესაბამისად ინფორმაცია პრეტენდენტის პერსონალის გამოცდილების შესახებ და ინფორმაცია ქვეკონტრაქტორების შესახებ არ მოითხოვება. ასევე, არ მოითხოვება ინფორმაცია ლიცენზიასთან, აკრედიტაციასთან და სტანდარტებთან დაკავშირებით. ასევე არ მოითხოვება სარეგისტრაციო/უფლებრივი მონაცემების ამსახველი დოკუმენტ(ებ)ის წარმოდგენა. სატენდერო დოკუმენტაციით არ მოითხოვება ფასწარმოქმნის ადეკვატურობის დამადასტურებელი დოკუმენტაციის წარმოდგენის ვალდებულება და დასაბუთება მოცემულია სატენდერო დოკუმენტაციის 4.1.3 პუნქტში. შესყიდვის ობიექტის სავარაუდო ღირებულებიდან გამომდინარე, სატენდერო დოკუმენტაციით განსაზღვრულია ხელშეკრულების შესრულების უზრუნველყოფის საბანკო გარანტიის წარმოდგენის ვალდებულება, სახელშეკრულებო ღირებულების 5%-ის ოდენობით.

6. დეტალური მსჯელობის საფუძველზე არის განსაზღვრული სატენდერო დოკუმენტაციის ყველა პირობა, მათ შორის სატენდერო დოკუმენტაციით გათვალისწინებული დასაბუთებები, ტექნიკური დავალება და ტექნიკური დავალებით განსაზღვრული პირობები, ტექნიკურ-ეკონომიკური დასაბუთების დოკუმენტისა და დეტალური საპროექტო-სახარჯთაღრიცხვო დოკუმენტაციის წარმოდგენის ფორმა და ადგილი, ხელშეკრულების პროექტი, ანგარიშსწორების პირობები და ვადები.

ეტაპობრივი ანგარიშსწორების პირობები განისაზღვრა ქვემოთ მოცემული პროპორციით და პროცენტულობით, ხოლო დეტალურად გაიწერა სატენდერო დოკუმენტაციის 7.2 პუნქტში:

I ფაზა - ტექნიკურ-ეკონომიკური დასაბუთება, ობიექტის სავსე შესწავლა და პროექტის კონცეფციის ჩამოყალიბება (2 ვარიანტი) - სახელშეკრულებო ღირებულების არაუმეტეს 20%.

II ფაზა - ესკიზური პროექტის მომზადება - სახელშეკრულებო ღირებულების არაუმეტეს 30%.

III ფაზა - საბოლოო, დეტალური მუშა საპროექტო-სახარჯთაღრიცხვო დოკუმენტაციის შედგენა - სახელშეკრულებო ღირებულების არაუმეტეს 40%.

IV ფაზა - სამშენებლო სამუშაოების საავტორო ზედამხედველობა - სახელშეკრულებო ღირებულების არანაკლებ 10%.

IV ფაზით გათვალისწინებული მომსახურების (სამშენებლო სამუშაოების საავტორო ზედამხედველობა) გაწევისათვის ანგარიშსწორება განხორციელდება ელექტრონული ტენდერის სატენდერო

დოკუმენტაციისა და ტექნიკური დავალების შესაბამისად მომზადებული დეტალური საპროექტო-სახარჯთაღრიცხვო დოკუმენტაციის მიხედვით განხორციელებული სამშენებლო სამუშაოების დასრულების შემდეგ, სამშენებლო სამუშაოებზე საავტორო ზედამხედველობის მომსახურების გაწევის შესახებ საბოლოო ანგარიშის წარმოდგენის საფუძველზე. იმ შემთხვევაში, თუ არ მოხდა სამშენებლო სამუშაოების შესყიდვა და შესაბამისად არ განხორციელდა სამშენებლო სამუშაოებზე საავტორო ზედამხედველობის მომსახურების გაწევა, სამშენებლო სამუშაოებზე საავტორო ზედამხედველობის მომსახურების ღირებულების ანგარიშსწორება არ განხორციელდება.

7. სატენდერო დოკუმენტაციის 2.2.1 პუნქტით არის განსაზღვრული მოთხოვნები პრეტენდენტის გამოცდილების შესახებ. სატენდერო კომისია მიიჩნევს, რომ გამოცდილების დადასტურება უნდა განხორციელდეს უშუალოდ პრეტენდენტის მიერ. შესაბამისად, პრეტენდენტს, 2015 წლის 01 იანვრიდან, ელექტრონული ტენდერისათვის „წინადადებების მიღება დასრულებულია“ სტატუსის მინიჭების თარიღამდე პერიოდში გაწეული უნდა ქონდეს შემდეგი სახისა და სირთულის მომსახურება:

1. კომპონენტი N1 - არანაკლებ 30 მეტრი სიგრძის, მინიმუმ 1 (ერთი) ახალი საავტომობილო, ან სარკინიგზო სახიდე გადასასვლელის მშენებლობისთვის საპროექტო სახარჯთაღრიცხვო დოკუმენტაციის შედგენის მომსახურება.

კომპონენტი N1-ით გათვალისწინებულ მომსახურების შინაარსში იგულისხმება: მხოლოდ ახალი საავტომობილო, ან სარკინიგზო სახიდე გადასასვლელის მშენებლობისთვის საჭირო საპროექტო-სახარჯთაღრიცხვო დოკუმენტაციის შედგენის მომსახურება. შესაბამისად, არ განიხილება სახიდე გადასასვლელის რეკონსტრუქციის, მოდერნიზაციისა და რეაბილიტაციის სამუშაოებთან დაკავშირებული საპროექტო-სახარჯთაღრიცხვო დოკუმენტაციის შედგენის მომსახურება.

2. კომპონენტი N2 - არანაკლებ 40,000 მ² ცემენტ-ბეტონის საავტომობილო გზის, ან/და ავტოსადგომის მშენებლობის, ან მოდერნიზაციის, ან რეკონსტრუქციის (არ განიხილება რეაბილიტაცია) საპროექტო-სახარჯთაღრიცხვო დოკუმენტაციის შედგენის მომსახურება.

კომპონენტი N2-ით გათვალისწინებული მომსახურების შინაარსში (მშენებლობა, მოდერნიზაცია, რეკონსტრუქცია) იგულისხმება საქართველოს მთავრობის №172 (2013 წლის 10 ივლისი, ქ. თბილისი) დადგენილებით დამტკიცებული „საქართველოს საავტომობილო გზების საგზაო სამუშაოების კლასიფიკაციის ტექნიკური რეგლამენტი“ განსაზღვრული განმარტება. შესაბამისად, არ განიხილება გზის რეაბილიტაციის სამუშაოებთან დაკავშირებული საპროექტო-სახარჯთაღრიცხვო დოკუმენტაციის შედგენის მომსახურება.

3. კომპონენტი N3 - არანაკლებ ორი დასრულებული ხელშეკრულების ფარგლებში, არანაკლებ III კლასის (რომელიც განისაზღვრება საქართველოს მთავრობის 2019 წლის 31 მაისის №255 დადგენილებით დამტკიცებული „მშენებლობის ნებართვის გაცემისა და შენობა-ნაგებობის ექსპლუატაციაში მიღების წესი და პირობები“-ს შესაბამისად), საზოგადოებრივი დანიშნულების შენობების მშენებლობის, ან რეკონსტრუქციის სამუშაოებისათვის საპროექტო-სახარჯთაღრიცხვო დოკუმენტაციის შედგენის მომსახურება.

სატენდერო დოკუმენტაციის 2.2.1 პუნქტით განსაზღვრულია პრეტენდენტის მიერ სისტემის მეშვეობით წარმოსადგენი, გამოცდილების დამადასტურებელი დოკუმენტაცია და ამავე დოკუმენტაციის წარმოდგენის პირობები. ამხანაგობის ელექტრონულ ტენდერში მონაწილეობის საკითხი რეგულირდება სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს 24-ე მუხლის შესაბამისად.

8. სატენდერო დოკუმენტაციის 2.9 პუნქტით დამატებით არის განსაზღვრული ინფორმაცია პრეტენდენტის მიერ ერთიანი ელექტრონული სისტემის მეშვეობით წარმოსადგენი დოკუმენტაციის შესახებ, სატენდერო წინადადების ფასის დაანგარიშების მეთოდი და დოკუმენტების წარმოდგენის ფორმატი. სატენდერო დოკუმენტაციის 10.1 პუნქტით განსაზღვრულია სატენდერო პირობების განმარტების მოთხოვნის პროცედურა, აქვე ატვირთულია სატენდერო დოკუმენტაციის დანართი N3 (ხელშეკრულების შესრულების უზრუნველყოფის საბანკო გარანტიის ნიმუში).

დაადგინეს:

1. ადიგენის მუნიციპალიტეტის სოფელ აბასთუმანში ავტოსადგურისა და ღია ავტოსადგომის მშენებლობის მიზნით ტექნიკურ-ეკონომიკური დასაბუთების მომზადების, დეტალური საპროექტო-სახარჯთაღრიცხვო დოკუმენტაციის შედგენის და ამავე საპროექტო დოკუმენტაციის შესაბამისად, სამშენებლო სამუშაოებზე საავტორო ზედამხედველობის გაწევის მომსახურების სახელმწიფო შესყიდვის მიზნით დამტკიცდეს ელექტრონული ტენდერის ჩატარების შესახებ განცხადების ტექსტი და სატენდერო დოკუმენტაცია (თან ერთვის წინამდებარე ოქმს) და ელექტრონული ტენდერი გამოცხადდეს SPA აბრევიატურით.

2. შესყიდვის სავარაუდო ღირებულება განისაზღვროს 450,000.00 ლარით, დღგ-ს ჩათვლით.

3. დამტკიცდეს სატენდერო პირობები შემდეგი ჩამონათვალის მიხედვით:

ა) სატენდერო დოკუმენტაცია;

ბ) სატენდერო დოკუმენტაციის დანართი N1 (ტექნიკური დავალება);

გ) სატენდერო დოკუმენტაციის დანართი N2 (ხარჯთაღრიცხვა);

დ) სახელმწიფო შესყიდვის შესახებ ხელშეკრულების პროექტი;

ე) სატენდერო დოკუმენტაციის დანართი N3 (ხელშეკრულების შესრულების უზრუნველყოფის საბანკო გარანტიის ნიმუში).

4. დაევალოს სატენდერო კომისიის აპარატს წინამდებარე ოქმისა და ელექტრონული ტენდერის ჩატარების შესახებ განცხადების ტექსტისა და სატენდერო დოკუმენტაციის სახელმწიფო შესყიდვების ერთიან ელექტრონულ სისტემაში გამოქვეყნება.

სატენდერო კომისიის სხდომაზე დამსწრე პირთა ხელმოწერები:

გიორგი შენგელია

აღმასრულებელი დირექტორი

დირექცია

დავით ტაბიძე

აღმასრულებელი დირექტორის პირველი მოადგილე

დირექცია

ლევან შარვაძე

აღმასრულებელი დირექტორის მოადგილე CFO

დირექცია

ნუცა დათუაშვილი

აღმასრულებელი დირექტორის მოადგილე

დირექცია

გიორგი კარტოზია

დეპარტამენტის უფროსი

შეფასებისა და დაგეგმვის დეპარტამენტი

პაატა იაკობაშვილი

სამსახურის უფროსი

პროექტების შეფასების სამსახური



თარხან ლომთათიძე

დეპარტამენტის უფროსი

მშენებლობის ზედამხედველობის დეპარტამენტი



ნიკოლოზ დოლიძე

დეპარტამენტის უფროსი


იურიდიული დეპარტამენტი



გრიგოლ ფერაძე

დეპარტამენტის უფროსი

ხარისხის კონტროლის დეპარტამენტი



ზურაბ კოტორაშვილი


დეპარტამენტის უფროსი

ადმინისტრაციული დეპარტამენტი



ბექა თორია

პროგრამის მენეჯერი ADB



დირექცია

აკაკი დევიძე

ა. დევიძე

პროგრამის მენეჯერი EIB/CEB

დირექცია

ირაკლი ფარესიშვილი

ირაკლი ფარესიშვილი

დეპარტამენტის უფროსი

შესყიდვების დეპარტამენტი

მარიამ ბოჭორიშვილი

მარიამ ბოჭორიშვილი

შესყიდვების სპეციალისტი

შესყიდვების დეპარტამენტი